



He hira te āwhina i ō taitamariki ki te whakahaere i ā rātou mahi tuihono, engari he taumaha pea mēnā kāore anō koe kia waia ki ngā utauta hei āwhina i a koe. Hei āwhina i a koe, kua mahi tahi mātou ko Netsafe - te rōpū whakaako arataki mō te haumarū tuihono - ki te whakawhanake i tēnei Aratohu mā ngā Kaitiaki.

Te Family Pairing o TikTok

Ko tā te Family Pairing o TikTok, he whakaāhei i a koe ki te hono i tō pūkete ki te pūkete a ō taitamariki, kia whiriwhiri ai koe i ngā mea ka taea e rātou te kite, te roanga tuihono, me te hunga ka taea te hono ki a rātou hoki.

Me pēhea te whakamahi i Family Pairing:

1. Tikina ake te taipānga TikTok.
2. Kei roto i te taipānga TikTok, patohia Profile kei raro.
3. Patohia te pātene Tahua kei runga, ā, kōwhiria settings and privacy.
4. Patohia Family Pairing.
5. Patohia Continue.
6. Patohia Parent or Teen, kātahi patohia Next.
7. Whāia ngā tohutohu ki te tūhonohono i ngā pūkete.



Ngā tautuhinga pūkete

Whakaritea te pūkete a tō taitamariki kia tūmataiti (private), ki te whakataū, ko wai mā ka taea te kite, te tuku tākupu rānei i āna ataata. Ā, tirohia hoki kei te aru ia i a wai, ā, ko wai kei te aru i a ia.



Te whakahaere wā mata

Māu e kōwhiri i ngā wā ka aukatingia te uru ki TikTok, e whakarite ngā tepenga mō ia rā, e aroturuki hoki āna whakamahinga mā te utauta screen time dashboard.



Whakangū whakamōhiotanga

Ko te whakaritenga aunoa mō ngā tatamariki, ka whakangūhia ngā whakamōhiotanga ue i te pō, heoi māu ēnei e whakarite.



Whakatauria ngā mea e kite ai rātou

Tāpiritia ngā kupumatua me ērā o ngā tohumarau, kāore koe e hiahia ana kia kite ai tō taiohi i roto i te rārangi whāngai o For You.




Whakahaere i te rapunga

Me whakataū ka whakaae kia rapu tō taitamariki, kāore rānei, ā, he aha ngā mea ka rapua.



Ngā karere tōtika

Kāore e wātea ana mō ngā taitamariki kei raro i te 16 tau te pakeke. Mō ērā kua eke atu i te 16 tau, māu e kōwhiri ki te whakakā, ko wai mā rānei ngā tāngata e taea ai te tuku karere ki tō taiohi.



He whakamaumahara i ngā mātua: mēnā he pūkete TikTok tāu, e āhei ana ki te whakarite te Family Pairing - kāore tō herenga ki te whakairi kōrero, ki te mātakitaki ataata rānei.

Te Kupu Taurangi Haumarū Matihiko mō ngā Whānau



He tīmatanga kōrerorero te kupu taurangi ā-whānau a TikTok, hei kawenata kei waenga i ngā mātua, kaitiaki rānei, rātou ko ngā taitamariki.

Ngā whakaaetanga Family Pairing. Kua whakawhiti whakaaro tātou i:

- Ngā tepenga wā mata mō ia rā, me ngā wā ngū mō ngā whakamōhiotanga
- Te tātari i ngā kupumatua, hei aukati i ngā ihirangi mai i te whāngai

- Ngā tautuhinga tūmataiti hei kōwhiri ko wai ka kite i a koe, ka whakapā mai rānei
- Tētahi arotakenga 30 ngā rā, ki te arotake i te kupu taurangi

He Whakaaetanga Taitamariki

Ka tū ahau ki te whakaaro i mua i te mahi.

I mua i aku mahi tuihono katoa - ahakoa te whakairi kōrero, te tuku i tētahi mea ki tētahi hoa, te whakapā atu ki tētahi tangata e mōhio ana ahau i te ao tūturu – ka tū ahau, ka āta whakaaro. He haumarū? Kei te whakaute? Kei te pono? Ki te rangirua au, ka pātai au ki a koe, ki tētahi atu pakeke pono rānei, pēnei:

Mēnā ka kite au i tētahi mea, ka kōrero atu ahau.

Ahakoa ngā aratohu ā-hapori o ngā taupānga, tērā pea ka kite ahau i ētahi ihirangi, whakapā rānei ka tuku i ahau ki te āwangawanga. Mēnā ka kite ahau i tētahi mea, ka toko ake te āwangawanga, te māharahara rānei i a au, ka kōrero au ki a koe, ā, māu au e āwhina te aukati, te pūrongo atu rānei.

Ka ako ahau ki ngā āhuatanga haumarū o ia taupānga.

He Whakaaetanga Kaitiaki

Ka whakatauirā ahau i ngā āhuatanga pai.

E mārama ana ahau, ko āku whanonga te tauira mō ngā mahi matihiko o tō tātou whānau.

Ka wātea ahau ki te kōrerorero.

Ka mārama ahau mā taku wātea ki te kōrerorero ka rongu koe i taku tautoko. Kaua e matakū ki te tīmata i te kōrerorero. Ka kōrerorero tonu ahau ki a koe mō ngā mea ka kitea e koe ki te ipurangi, mō ngā tāngata e whakawhitiwhiti kōrero ai koe, me ngā mea āhuareka ki a koe.

Ahakoa te aha, ina he raru, kei konei au mōu.

Ki te whāki mai koe i tētahi raru, ka whakarongo ahau, ka pātai atu ahau, ā, ka arotahi ki te ara hei eke tahi tāua i aua wero.

Ka whakaute ahau i tō tūmataiti.

Ko taku whāinga ko te whakaū i tō haumarutanga, me te whakaute i tō ake whaitua whaiaro. Ka mahi tahi tāua ki te kimi i te taurite, ā, māku e whakamārama ina ka hiahia ahau ki te aru i ō pūkete tuihono, ki te whakakā i ngā āheinga whakamaru, ki te kuhu ki ētahi o ngā mea kei runga i tō pūrere.

He aha te hua mēnā kāore tāua/tātou e aro ki ēnei kupu taurangi:

Te waitohu a te Taitamariki

Te waitohu a te/ngā Matua/Kaitiaki

Matawaitia te waehera QR mō te Kete Haumarū Tuihono mā ngā Mātua a Netsafe - he anga māmā hei tautoko i a koe ki te whaka-haere i te haumarū tuihono me ā koutou taitamariki. Kei te wātea i ngā reo e rima - tae ana ki te reo Māori.

